




DS

735

A2W8

19--

V. 34







吳木堂綱鑑易知錄卷七十四

周之炯靜專

綱目續編定本

山陰吳乘權楚材同輯

周之燦星若

宋紀

哲宗皇帝

綱戊寅元符元年春正月得秦璽于咸陽置咸陽縣

今陝西西安府咸陽縣秦都也

民段義於劉銀村脩舍得古玉印其

文曰受命于天既壽永昌上之詔蔡京等辨驗京以



綱鑑易知錄

為秦璽遂命曰天長傳國受命寶帝御大慶殿受寶

行朝會禮詔賜義絹二百匹授右班殿直

雲間張氏曰傳國璽者秦之前以金銀為方寸璽秦得和氏璧乃以玉為之在六璽之外李斯象其文曰受命于天既壽永昌號曰傳國璽漢高定三秦子嬰獻之王莽篡逆就元后取之莽敗子嬰得之李松入長安斬憲取璽送土更始更始以奉赤眉赤眉立劉盆子盆子奉土光武復董卓作亂掌璽者投諸井中孫堅入洛討卓見井中有五色光堅浚井得璽袁術僭逆乃拘璽妻奪之術死為徐璆所得以土獻帝然而漢以傳魏魏以傳晉後劉曜入洛陽執懷帝取璽曜又為石勒所得冉閔滅勒得璽閔敗璽存於閔大將軍蔣幹其後謝尚得之於幹以晉穆帝永和八年還建康晉元興三年又為桓元僭逆所得元敗劉裕得之齊蕭道成篡宋復得璽



聖至此已  
亡  
深著蔡京  
愚惑哲宗  
之罪

衍篡齊為梁又得之其後盜竊璽而歸之於齊  
又其後陳得之於梁隋得之於陳而秦王世民  
又得之於寶建德妻曹氏厥後唐昭宣帝四年  
遣使奉冊寶如朱梁則是溫得之矣又云晉得  
傳國寶者乃唐僖宗廣明元年黃巢入長安魏  
州僧得傳國寶以為常玉將鬻之或識其為傳  
國寶乃詣行臺獻之後梁主又為盜竊之以迎  
唐而石晉滅唐唐主從珂攜傳國寶登玄武樓  
自焚死嗚呼璽至此蓋已亡矣由是後之得國  
者各自為之故晉作受命寶其文曰受天明命  
惟德永昌周又更作二寶今綱目大書元符元  
年春正月得秦璽于咸陽者何哉所以深著蔡  
京愚惑哲宗之罪也噫秦璽之文如此宜其享  
國長久鮮至二世而亡假令其璽之真亦智春  
之所不貴泥其偽者乎故綱目不惟月之而又  
地之者譏其愚也善乎王孫滿對楚子曰在德  
不在鼎臣亦曰在德不在璽後  
之得國者蓋亦知所以貴者云



綱三月下文彥博子及甫子同文館獄遂錮劉摯梁

燾子孫于嶺南以蔡京為翰林學士承旨安惇為御

史中丞京覬求執政故治獄極意羅織元祐諸賢既

京不可以同列遂止進

京不可以同列遂止進章惇蔡卞請追廢宣仁聖

烈皇后高太后不果行惇卞恐元祐舊臣一旦復起

日夜與邢恕等謀且結內侍郝隨為助見十四

宣仁嘗欲危帝之事至是惇卞自作詔書請廢宣仁

為庶人皇太后向氏方寢聞之遽起謂帝曰吾日侍崇

慶宮名宣仁居此天日在上此語曷從出且帝必如此亦何



有於我帝感悟取惇卞奏就燭焚之郝隨知之密語

惇卞明日惇卞再具狀堅請施行帝怒曰卿等不欲

朕入英宗廟乎抵也其奏於地事得寢綱夏四月林

希免希恨章惇不引為執政漸有怨隙而怨承惇意論免之綱秋七月再竄范

祖禹劉安世于化梅州祖禹尋卒目初章惇怨范祖

禹劉安世尤深必欲置諸死地至是諷蔡京併陷二

人以罪詔徙祖禹於化州見上卷安世於梅州今廣東

州府程鄉縣安世至貶所章惇將必置之死擢土豪為轉

運判官使殺之判官承意疾馳未至梅三十里嘔血



范祖禹比  
原館監贊

子茂生

鄒浩露章  
所宜傳

而死安世獲免。祖禹平居恂恂，口不言人過。遇事則  
別白是非，不少借隱。長於勸講，論諫不啻試數十萬  
言。開陳治道，辨釋事宜，平易明白，洞見底蘊。雖賈誼、  
漢文帝時賢臣陸贄、唐德宗朝賢相不是過也。綱京師地震，  
綱己卯二年秋八月，子茂生。九月立賢妃劉氏為皇  
后。竄右正言鄒浩于新州。妃多材藝，有盛寵。既構  
廢孟后。見上卷章惇與內侍郝隨、劉友端相結，請妃  
正位中宮。時帝未有儲嗣，會妃生子茂，帝大喜，遂立  
焉。浩以數朔論事，帝親擢為右正言。露章也不封劾章。



鄧浩諱立  
劉妃

黃履救鄒

惇不忠慢上之罪。未報而劉后立。浩上疏言。賢妃與  
孟后爭寵。而孟后廢。今乃立之。殊累聖德。乞追停冊  
禮。帝曰。此祖宗故事。豈獨朕邪。蓋指真宗立劉德妃  
也。浩對曰。祖宗大德。可法者多矣。陛下不之取。而效  
其小疵邪。帝變色。持其章躊躇。若有所思。因付於外。  
明日章惇詆其狂妄。除名勒停。羈管新州。見上尚書  
右丞黃履進曰。浩以親被放擢之故。敢犯顏納忠。陛  
下遽出之死地。人臣將視以為戒。誰復為陛下論得  
失乎。幸與善地。不聽。初。陽翟宅。今河南田畫議論



慷慨與浩以氣節相激厲劉后立畫謂人曰志完

鄒浩

字不言可以絕交矣浩既得罪畫迎諸途浩出涕畫

田畫賁鄒浩

正色責之曰使志完隱默官京師遇寒疾不汙五日

死矣豈獨嶺海之外

謂廣東

能死人哉願君毋以此舉

自滿士所當為者未止此也浩茫然自失謝曰君贈

我厚矣浩之將論事也以告其友宗正寺簿王回回

王回勉辨

曰事有大於此者乎子雖有親然移孝為忠亦太夫

王回微發為鄒浩治

人素志也及浩南遷人莫敢顧回斂交遊錢與浩治

裝往來經理且慰安其母還

罷去聲也

者以聞逮

見十卷十



會誕作玉  
山人對

九詣詔獄衆爲之懼回居之晏如御史詰乞之回曰  
實嘗預謀不敢欺也因誦浩所上章幾二千言獄上  
除名停廢回卽徒步出都門行數十里其子追及問  
以家事不答又有會誕者嘗三以書勸浩論孟后事  
浩不報及浩廢誕作玉山人對客問以譏浩不能  
力諫孟后之廢而俟朝廷過舉乃言爲不知幾云

雲閒張氏曰嗚呼哲宗無罪而廢正后而夫婦  
之道絕有過而逐諫官而君臣之道虧則大綱  
絕矣厥後汴宋淪於沙漠誰其尸之雖然鄒正  
言孤忠勁節固人之所難能也惜其不諫於廢  
后之時而諫於立妃之日此乃功之所以難爲  
而禍之所以易招也噫豫讓不諫智氏之食地



郭浩比豫  
議諸遂良

這看詳訴  
焉

而徒殺身於國亡之秋。諸遂良不諫武氏之再入。而徒叩頭於冊命之日。郭浩不諫哲宗於廢后之時。而徒盡言於立妃為后之際。是智氏之豫讓。李唐之遂良。汴宋之鄒浩。其皆失於此乎。

綱御史中丞邢恕免。恕揣帝稍厭章惇。因屢白惇短。惇遂構陷以罪出。知汝州以安。

惇代之。綱閏月黃履罷。綱置看詳訴理局。置安惇言。陛

下未親政時。奸臣置訴理所。凡得罪熙豐。熙寧元豐俱神宗年。

號之閒者。咸為去聲除雪。歸怨先朝。收恩私室。乞取公

案看詳。從初加罪之意。復依斷施行。蔡卞勸章惇置

局。命中書舍人蹇序辰及安惇看詳。由是重得罪者

八百三十家。士大夫或千里會逮。見天下怨案有二。



三蔡二惇  
之謠

蔡京二惇章惇之謠綱子茂卒

綱庚辰三年春正月帝崩端王佖吉即位太后權同

聽政赦趙哲宗無疾而崩其可駭也惇賊當國其能

然其情蓋免於後世之疑乎觀分注曰惇抗聲惇默

可見矣目帝崩無子皇太后向氏哭謂宰臣曰國

家不幸大行皇帝見十八卷二三無嗣事須早定章惇抗聲

曰在禮律當立母弟簡王似太后曰老身無子諸王

皆神宗庶子莫難如此分別惇復曰以長則申王似

當立太后曰申王有目疾不可於次則端王佖當

立惇曰端王輕佻挑不可以君天下言未畢會布吐

會布吐章

綱監易印錄

卷七四

宋哲宗

六



之曰章惇未嘗與臣商議如皇太后聖諭極當蔡卞  
許將相繼曰合依聖旨太后又曰先帝嘗言端王有  
福壽且仁孝於是惇默然乃名端王入卽位於柩前  
羣臣請太后權同處分軍國事。后以長君辭帝泣拜  
移時乃許之。端王神宗第十一子也。

史臣曰哲宗以幼冲踐祚宣仁同政召用諸賢  
罷廢新法故元祐之政庶幾仁宗奈何熙豐舊  
姦拔去未盡已而媒蘖復用卒假紹述之言務  
反前政報復善良馴致黨禍君子盡斥而國政  
益敝矣

綱尊皇后劉氏爲元符皇后。綱二月立皇后王氏。后開



韓忠彥陳四事

封人德州刺史環之女

綱以韓忠彥為門下侍郎黃履為尚書

右丞臣忠彥入對陳四事白廣仁恩開言路去疑似

戒用兵太后納之自是忠直敢言知名之士稍見收

用綱三月詔求直言綱以四月朔日當食詔求直言

崔鵬日食流

筠云

州今江西瑞州府推官崔鵬

煙上聲

上書曰毀譽

平聲

者朝

廷之公議故責授朱珪

今廣東瓊州府

軍司戶司馬光

紹聖四年

二月追貶司馬光朱珪軍司戶

左右以為姦而天下皆曰忠今宰相

章惇左右以為忠而天下皆曰姦此何理也賞繆謬

罰濫佞人徇

常

行羊自得之貌

如此而國不亂未之有也

綱

綱

綱

宋哲宗

二



小人變之  
蜚蜴

續金史

卷七十四

七

小人。譬之。蜚。福。蜴。其。兇。忍。害。人。根。乎。天。性。隨。遇。必。

發。天。下。無。事。不。過。賊。陷。忠。良。破。碎。善。類。至。緩。急。危。疑。之。際。必。有。反。覆。賣。國。跋。扈。見二三卷二五不。臣。之。心。比。年。以。

來。諫。官。不。論。得。失。御。史。不。劾。姦。邪。門。下。不。駁。詔。令。共。

持。暗。默。以。為。得。計。夫。以。股。肱。耳。目。治。亂。安。危。所。繫。

而。一。切。若。此。陛。下。雖。有。堯。舜。之。聰。明。將。誰。使。言。之。誰。

使。行。之。夫。四。月。陽。極。盛。陰。極。衰。之。時。而。陰。于。陽。故。其。

變。為。大。惟。陛。下。畏。天。威。聽。明。命。大。運。乾。剛。大。明。邪。正。

則。天。意。解。矣。帝。覽。而。善。之。以。為。柏。州。今河南彰德府敦。授。



韓忠彥薦賢

名龔夫。怪為殿中侍御史陳瓘鄒浩為左右正言。曰

韓忠彥等薦之也。御史中丞安惇言鄒浩復用。慮彰

先帝之失。帝曰。立后大事也。中丞不言。而浩獨敢言。

何為不可復用。惇懼而退。陳瓘言。陛不欲開正路。取

浩既往之善。惇乃誑惑主聽。規騁其私。若明示好惡。

當自惇始。遂出惇知潭州。今湖南長沙府。詔許劉摯梁燾

歸葬。錄其子孫。夏四月朔日食。以韓忠彥為尚

書右僕射兼中書侍郎李清臣為門下侍郎。蔣之奇

同知樞密院事。綱復范純仁等官。徙蘇軾等于內郡。



純仁時在永州

見上卷二八

遣中使賜以茶藥諭之曰

皇帝在藩邸

見四八卷四

太皇太后在宮中知公先朝言

事忠直今虛相位以待不知目疾

見同永州

如何用何人

醫之純仁頓首謝徙居鄧州

見七十九卷九

在道拜觀文殿

大學士中太乙宮

見六十八卷十八

使制詞有曰豈惟尊德尚

齒昭示寵優庶幾鯁論嘉謀日聞忠告純仁聞制泣

曰上果用我矣死有餘責既又遣中使趣促入覲純

仁乞歸養疾帝不得已許之每見輔臣問安否且曰

范純仁得一識面足矣軾自昌化

見同永州

移廉今廣東廉州府



為文如行  
雲流水

徙來上見更三赦復提舉玉局觀貫未幾卒於常州今

南常州時軾與弟轍師父洵為文如行雲流水初無定質

雖嬉笑怒罵之辭皆可書而誦之自為舉子至出入

侍從必以愛君為本忠規讜論挺挺正直也左傳義

挺大節但為小人忌惡不得久居朝耳綱五月詔復

哲宗廢后孟氏為元祐皇后目初哲宗嘗悔廢后事

歎曰章惇壞挫我名節至是太后將復后位會布衣

何文正上書言之遂降是詔自瑤華宮見上卷還居

禁中



靜軒周氏曰徽宗踐祚五月觀綱目之所書如  
詔求直言召龔夬為殿中侍御史陳瓘鄒浩為  
左右正言詔許劉摯梁燾歸葬錄其子孫此書  
詔復哲宗廢后孟氏為元祐皇后下書追復文  
彥博等三十三人官凡前人如賢之心一毫無  
有詎不謂之賢哉哉綱目備書所以示之也嗚  
呼使徽宗慎終始不為變更而又有希船聖  
武表正萬邦之才豈不為有宋盛德之主惜哉

綱蔡卞有罪免卞專託紹述見上卷之說上欺天

子卞協同列凡中傷善類皆密疏建白然後請帝親

札付外行之章惇雖巨姦然猶在其術中至是龔夬

論惇卞之惡未報而臺諫陳師錫陳次升陳瓘任伯

雨張庭堅等極論卞罪浮於惇乞正典刑以謝天下

章惇猶在  
蔡卞術中



乃出知江寧今江寧府臺論之不已遂以祕書少監

分司池州今江南池州府追復文彥博主理司馬光呂公

著呂大防劉摯等三十三人官從韓忠彥之言也六月邢

恕有罪安置均州今湖廣襄陽府均州陳瓘論其矯誣定策

之罪也綱秋七月太后罷聽政八月葬永泰陵綱

九月章惇有罪免綱惇為相專國復怨引蔡卞林希

黃履來之邵張商英等居要地任言責由是正人無

一得免死者屢興大獄以陷忠良天下嫉之及兼山

陵使靈輿輿陷泥也中中殿宿而行堂諫豐稷陳次



升其大陳璠等勅其不恭免知越州今浙江綱冬十

月復以程顥判西京見七一國子監綱既受命即

謁告謁請也休欲遷延為尋醫計既而供職門人尹

焯焯深疑之顥曰上初即位首被大恩不如是則何

伊川受二  
月之俸

以仰承德意然吾之不能仕蓋已決矣受一月之俸

焉然後惟吾所欲爾未幾致仕綱安惇塞序辰有罪

除名放章惇于潭州綱惇既罷知越州陳瓘等以為

責輕復論惇在紹聖哲宗中置看詳元祐哲宗訴理

局見上凡於先朝言語不順者加以釘去足剝皮斬

章惇極刑



頸拔舌之刑其慘刻如此。看詳之官如安惇、蹇序辰

等受大臣諷諭迎合紹述之意，傳附致語言指為謗

訕，遂使朝廷紛紛不已。考之公論，宜正典刑。於是二

人並除名，放歸田里，而貶惇武昌節度治湖廣武昌府副使

居潭州。見上綱蔡京有罪，免削林希官，徙知揚州。

中丞豐稷論京姦狀，帝未納。臺諫陳瓘、江公望等相

繼言之。帝亦不聽。稷曰：京在朝，吾屬何面目居此？復

力論之。始出知永興軍。治陝西西安府言者不已，乃奪職居

杭州。今浙江杭州府右司諫陳祐復論林希紹聖初黨附權

京皇親去蔡

綱鑑易知錄 卷七十四 宋哲宗



要詞命醜詆之罪。乃削端明殿學士。徙知揚州。今江

州府。綱以韓忠彥曾布為尚書左右僕射兼門下中書

侍郎。且布初附章惇。凡惇所為。多布所建白。及不得

同省。始與乖異。及帝即位。銳意圖治。延進忠鯁。布因

力排紹聖之人而去之。既拜相。其弟翰林學士肇引

嫌出知陳州。

今河南開封府陳州

言於布曰。兄方得君。當引用

善人。翊正道。以杜惇卜復起之萌。而數月以來。所謂

端人吉士。繼迹去朝。所進以為輔佐。侍從臺諫。往往

皆前日事惇卜者。一旦勢異。今日必首引之。以為國



田是邪正  
雜進

位計思之可為慟哭異時惇卞縱未至一蔡京足以  
兼二人可不深慮乎布不能從綱十一月詔改元  
時議以元祐紹聖均有所失欲以大公至正消釋朋  
黨遂詔改明年元為建中靖國由是邪正雜進矣綱  
以安燾知樞密院事黃履免置春秋博士以范  
純禮為尚書右丞

徽宗皇帝

名佶神宗第十一子初封端王哲宗無嗣  
向太后立之在位二十五年為金所虜壽

五十四歲而殂帝機巧多技大興土木窮極

淫樂夫變民怨盜賊雖平反復不賓屏忠臣奸

約金滅遂壽為金欺虜帝北

行封登德公姓五國城哀哉



赤氣五天

任伯雨論  
天變

綱鑑易知錄

卷十四

綱辛巳徽宗皇帝建中靖國元年春正月朔有赤氣

五天。圖是夕有赤氣起東北及西南中函白氣將散

復有黑祲侵也在旁有正言任伯雨言正歲之始而

赤氣起於暮夜之幽日為陽夜為陰東南為陽西北

為陰朝廷為陽宮禁為陰中國為陽夷狄為陰君子

為陽小人為陰此宮禁陰謀下于上夷狄竊發之證

也。天心仁愛以災異為驚戒願陛下進忠良黜邪

佞正名分擊姦惡使小人無得生犯上之心則災異

可變為休祥矣。綱高平今山西澤州高平縣公范純仁卒。綱純



仁疾革

戰。亟也。

口占

見三九卷六

遺表勸帝清心寡欲約己

便民絕朋黨之論察邪正之歸毋輕議邊事毋逞言

官辨明宜仁

見上

誣謗且云蓋嘗先天下而憂期不

負聖人之學此先臣所以教子而微臣資以事君者

也卒贈開府儀同三司諡忠宣純仁性夷易寬簡不

以聲色加人誼之所在則挺然不少屈嘗曰吾平生

所學得之忠恕二字一生用不盡以至立朝事君接

待僚友親睦宗族未嘗須臾離此也每戒子弟曰人

雖至愚責人則明雖有聰明恕已則昏苟能以責人

忠恕二字一生用不盡

之心責己。恕己之心恕人。不患不至聖賢地位也。**綱**

皇太后向氏崩。諡欽聖憲肅**綱**追尊太妃陳氏為欽慈皇

后。陪葬永裕陵。神宗陵也**綱**陳氏帝生母也。**綱**遼耶律洪

基死。孫延禧立。是為天祚皇帝。改元乾統**綱**二月。貶章惇為雷州

任伯雨論章惇

司戶參軍。**綱**任伯雨論惇。久竊朝柄。迷國罔上。毒流

縉紳。承先帝變故。倉卒。猝輒逞異志。見上向使其計

得行。將置陛下與皇太后於何地。若貸而不誅。則天

下大義不明。大法不立矣。臣聞北使言。去年遼主方

食。聞中國黜惇。放箸而起。稱善者再。謂南朝錯用此



章惇問舍  
於民

半歲百入  
疏

人北使又問何為只若是行遣以此觀之不得孟子  
所謂國人皆曰可殺雖蠻貊之邦莫不以為可殺也

章八上未報會臺諫陳瓘陳次升等復極論之乃貶

惇為雷州

見上卷

司戶參軍初蘇轍謫雷州不許占

去聲官舍遂就

酒去聲

民屋又以為強奪民居卞州追

民究治以就奏甚明乃止至是惇問舍於民民曰前

蘇公來為章丞相幾破我家今不可也後徙睦州

今浙

江州府

**卒**

**綱**三月罷權給事中任伯雨**臣**伯雨初為右

正言半歲之間凡上百八疏大臣畏其多言俾權給

事中密諭以少默即為真伯雨不聽抗論愈力時會

布欲和調元祐紹聖之人伯雨言人才固不當分黨

與然自古未有君子小人雜然並進可以致治者蓋

君子易退小人難退二者並用終於君子盡去小人

獨留唐德宗坐此任楊炎盧杞為相致播遷之禍建中四年十月涇卒

建中乃其紀號

過京師作亂奉朱泚為主德宗如奉天興元建中乃

其紀號今號建中乃不可以不戒既而欲劾布布覺

之徙為度支見四四員外郎綱夏六月罷尚書右丞

范純禮目時韓忠彥雖首相而曾布專政漸進紹述



曾布憚范  
純禮

之說。諷中丞趙挺之排擊元祐諸臣。純禮從容言於  
帝曰。邇者朝廷命令莫不是元豐而非元祐。以臣觀  
之神宗立法之意。固善。吏推行之。或有失當。以致病  
民。宣仁高太后聽斷。一時小有潤色。蓋大臣識見異同。  
非必盡懷邪為私也。今議論之臣。有不得志。故挾此  
以藉口。其心豈恤國事。直欲快私忿。以售其姦。不可  
不深察也。純禮沉毅剛正。曾布憚之。謂駙馬都尉王  
誨莘曰。上欲除君。承旨范右丞不可。誨怒。會誨館遼  
使純禮主宴。誨誣其輒斥御名。遂罷知穎昌府。見上

罷左司諫江公望。先是公望上疏言。自先帝有

紹述之意。輔政非其人。借威柄以快私隙。使天下騷

非有射鉤  
斬之隙

然神考

神宗

與元祐之臣。其先非有射

石

鉤斬袞

區鉤帝

鉤袞衣袂。乾時之戰。管仲射桓公中鉤。蒲城之隙。役寺人披斬文公袞。俱見左傳。僖公二十四年。

也。先帝信仇人而黜之。陛下若立元祐為名。必有元

豐紹聖為之對。有對則爭興。爭興則黨復立矣。陛下

改元詔旨。亦稱思建皇極。

周書。皇建其有極。謂君立中道而為四方之所取正也。

端好惡以示人。本中和而立政。皇天后土實聞斯

言。今若渝之。奈皇天后土何。帝嘗以永范純禮純



禮贊之。乞褒遷公望以勸來者。會蔡王府相言。不  
遜語及於王。公望乞勿以無根之言加諸至親。遂坐  
罷。**綱**秋七月。安燾罷。以蔣之奇知樞密院事。章棻  
同知院事。陸佃爲尚書右丞。**綱**冬十月。李清臣免。以忤  
會布**綱**罷權給事中。陳瓘。**瓘**議論持平。務存大體。  
不以細故藉口。未嘗及人。掩庵上聲昧之過。及權給事  
中。會布使客告以將即真。瓘語去聲子正彙曰。吾與丞  
相議事多不合。今若此。是欲以官爵相餌也。若受其  
薦進。復有異同。則公義私恩。兩有愧矣。吾有一書論

陳雅二書  
其過將投之以決去就汝其書之且持入省布使數

人邀相見甫就席遽出書布大怒爭辯移時至箕踞

見二三辭歲語也謂壻色不變徐起言曰適所論者

國事是非有公議公本可遽失待士禮布瞿覺然顧

貌改容信宿見七出壻知泰州今江南揚州府十一月

以陸佃溫益為尚書左右丞益初知潭州凡逐臣在

劉奉世韓川呂希純呂陶輩率為所使困用事者悅之綱復名蔡京為翰林學

士承旨綱供奉官童貫性巧媚善擇人主微指先事

順承以故得幸及詣三吳見三二訪書畫奇巧而杭



曾布謀引  
蔡京自助

十一見上累月蔡京與之遊不舍晝夜凡所畫屏障扇帶  
之屬其日以達禁中且附語言論奏於帝所由是帝  
屬視意用京左階道錄徐知常以符水出入元符皇  
后所太學博士范致虛與之厚因薦京才可相知常  
入宮言之由是宮妾宦官衆口一辭平京聲遂起京  
知定州今直隸真定府定州改大名今直隸大名府會韓忠彥與曾布  
交惡布謀引京自助乃召爲翰林學士承旨綱再詔  
改元綱曾布主於紹述請改明年元爲崇寧帝從之  
綱以鄧洵武爲給事中兼侍講綱洵武爲起居郎嘗

鄧湘武薦  
蔡京

愛莫助之

因對言陛下乃神宗子今相忠彥乃琦之子神宗行  
新法以利民琦嘗論其非今忠彥更神宗之法是忠  
彥為能繼父志陛下為不能也必欲繼志述事非用  
蔡京不可又曰陛下方紹述先志羣臣無助者乃作  
愛莫助之圖以獻愛莫助之詩大雅烝民篇辭言心誠愛之而恨其不能有助之也  
其圖如史記年表列旁行七重別為左右左曰元豐  
右曰元祐自宰相執政侍從臺諫郎官館閣學校各  
為一重左序紹述者執政中惟溫益一人餘不過三  
四若趙挺之范致虛王能甫錢適之屬而已右序舉



河東十一  
郡地震彌

朝輔相公卿百執事咸在以百數。帝出示會布而揚去左方一姓名布請之。帝曰：蔡京也。洵武謂非相此人不可以與卿不同故去之。布曰：洵武既與臣見異臣安敢與議。明日以付溫益。益欣然奉行。請相蔡京而籍異論者。於是善人皆不見容。而帝決意相京矣。乃進洵武中書舍人給事中兼侍讀。綱罷禮部尚書。豐稷復蔡卞。邢恕。呂嘉問。安惇。蹇序辰等官。

綱壬午。崇寧元年。春正月。河東。

治山西太原等

地震彌旬。晝夜不止。壞城壁屋宇。人畜死者甚衆。

綱三月。命宦者童貫。製御。

宋徽宗

十八

置製御  
器于蘇杭

續鑑易知錄

卷七十四

十八

器于蘇杭州。置貫置局於蘇。今江南蘇州府。杭。今浙江杭州府。造

作器用。曲盡其巧。牙角犀玉。金銀竹籐。裝畫糊抹。雕

刻織繡。諸色匠。日役數千。而材物所須。悉科於民。民

力重困。綱夏五月。罷韓忠彥知大名府。目忠彥為相

召還。流人進用忠謹之士。張庭堅。陳瓘。鄒浩。龔夬。江

公望。常安民。任伯雨。陳次升。陳君錫。張舜民等皆居

臺諫。翕然稱為得人。然與曾布不協。至是左司諫吳

材。右正言王能甫。附布論忠彥變神考之法度。遂神

考之人材。遂罷知大名府。上見綱復追貶司馬光等四



三制元祐  
人

勢如大病  
向愈

十四人官。詔籍元祐元符黨人。陸佃罷。詔元祐并元符末今來責降人。除韓忠彥曾任宰相。安燾曾任執政。王觀豐見任侍從官外。蘇轍。范純禮。劉奉世等凡五十餘人。並令三省籍記。不得與預在京差遣。又詔司馬光等二十一人子弟。毋得官京師。佃與曾布比。而持論近恕。每欲參用元祐人才。嘗曰。今天下之勢。如人大病向愈。當以藥餌輔養之。須其安平。苟為輕事。改作。是使之騎射也。會御史請更懲元祐餘黨。佃言於帝曰。不宜窮治。乃下詔云。元祐諸臣各

蔡京不合

已削秩。自今無所復問。言者亦勿輒言。揭之朝堂。言者用是論。個名在黨籍。不欲窮治。正恐自及耳。遂罷知亳州。見上卷十卒。經以許將溫益為門下中書侍郎。蔡京趙挺之為尚書左右丞。綱開六月。曾布免。綱布與蔡京素有隙。議事多不合。曾布擬壻父陳佑甫為戶部侍郎。京言布私其所親。布忿然爭辨。久之。聲色俱厲。溫益叱之曰。曾布上前安得失禮。帝不悅。數中侍御史錢適言布援元祐之姦黨。擠紹聖之忠賢。於是布請罷。出知潤州。今江南鎮江府綱秋七月。以蔡京為尚書。



右僕射兼中書侍郎。置制下之日。賜坐延和殿。命之

曰。神宗創法立制。先帝繼之。兩遭變更。國是未定。朕

欲上述父兄之志。卿何以教之。京頓首謝曰。敢不盡

死。綱。焚元祐法。置講議司于都省。蔡京用熙寧條飭

講議司。自為綱。為呼。亦宋之禍始。於神宗。安石終於

宋。安石於後。綱。章。染罷。復罷春秋博士。綱。八月。詔

天下興學貢士。作辟雍。見十八。于都城南。廣校之設

無非所以明人倫。辨邪正。分善惡。而為禮義相先之

地。今蔡京以奸而欺君。以邪而害正。以惡而陵善。凡

人之所不為者。京一切為之。然其建學之舉。正以陰

為不善。而陽欲掩之也。學者以意逆志。則如見其肺

宋徽宗 二十一

先賢大碑  
于建門

細銑易知錄  
肝綱以趙挺之張商英爲尚書左右丞復令進士  
兼試律復紹聖役法綱九月立黨人碑于端禮門  
籍元符末上書人分邪正等黜陟之目時元祐元符  
末羣賢貶竄死徙者略盡蔡京猶未愜意乃與其客  
強浚明葉夢得籍宰執司馬光文彥博呂公著呂大  
防劉摯范純仁韓忠彥王珪梁燾王巖叟王存鄭雍  
傳堯俞趙瞻韓維孫固范百祿胡宗愈李清臣蘇轍  
劉奉世范純禮安燾陸佃曾江待制以上官蘇軾范  
祖禹孔文仲孔武仲朱光庭孫覺鮮于侁賈易鄒浩



定邪正等

等餘官程頤秦觀張來晃潮補之黃庭堅孔平仲等  
內臣張士良等武臣王獻可等凡百二十人等其罪  
狀謂之姦黨請御書刻石於端禮門京等復請下詔  
籍元符末日食求言章疏及熙寧紹聖之政者付中  
書定爲正上正中下三等邪上邪中邪下三等於  
是鍾世美以下四十一人爲正等悉加旌擢鄧考甫  
以下五百餘人爲邪等降責有差雌又詔降責人不  
得同州居住綱冬十月蔣之奇罷綱復廢元祐皇后  
孟氏貶韓忠彥等官竄豐稷陳瓘等于遠州目時元

符皇后

劉氏 閣

宦者郝隨諷蔡京再廢元祐皇后京

未得聞

諫陳也

既而昌州

今四川重慶府榮昌縣

判官馮澥

蟹上

馮澥論復  
廢后為非

書論復后為非於是御史中丞錢適殿中侍御史石

豫左膺連章論韓忠彥等乘一布衣誑言

見上

復瑤

華

見同

之廢后掠流俗之虛美當時物議固已洶洶

乃至疎逖

劇也

小臣詣闕上書忠義激切則天下公

議從可知矣望詢考大臣斷以大義無牽於流俗非

正之論以累聖朝京與許將溫益趙挺之張商英皆

主臺臣之說帝不得已從之詔罷元祐皇后之號復



居瑤華宮。且治元符末議復后號者降宰臣韓忠彥

曾布官追貶李清臣雷州見上十四司戶參軍黃履祁州

今直隸保定府祁州團練副使安置翰林學士曾肇御史中丞

豐稷諫臣陳瓘龔夬等十七人於遠州擢馮濟鴻臚

寺主簿綱以蔡卞知樞密院事綱十二月追諡哲宗

子茂為獻愍太子。鼠鄒浩于昭州。目初鄒浩名自新

州。見上入對帝首及諫立后事。見同獎歎再三詢諫

陳瓘先見

草安在對曰已焚之矣退告陳瓘瓘曰禍其在此乎

異時姦人妄出一緘兼函也則不可辨矣蔡京用事乃

使其黨偽為浩疏有劉后殺卓氏而奪其子以為已

出欺人可也詎可以欺天乎之語帝詔暴僕其事遂

追冊茂為太子而竄浩於昭州今廣西平樂府

**綱**癸未二年春正月安置狂伯雨等十二人于遠州

蔡京蔡卞怨元符末臺諫之論已悉陷以黨事同日

貶竄任伯雨昌化軍陳瓘廉州龔夬化州陳次升循

州陳師錫郴州陳祐澧州李深復州江公望南

安軍常安民溫州張舜民**綱**溫益卒以蔡京為尚

書左僕射兼門下侍郎二月尊元符皇后劉氏為

皇太后宮名崇恩**綱**三月詔黨人子弟毋得至闕下**綱**夏



四月詔毀司馬光等景靈宮繪像

見七十二卷十五

司馬光

及呂公著呂大防范純仁劉摯范百祿梁燾鄭雍趙

瞻王巖叟凡十人時又詔毀范祖禹唐鑑及三蘇

蘇軾蘇轍黃庭堅秦觀文集綱以趙挺之為中書侍郎張

商英吳居厚為尚書左右丞安惇同知樞密院事綱

除故直祕閣程頤名綱言者希蔡京意論頤學術頗

被僻素行譎怪專以詭異聾瞽愚俗乃追毀頤出身

文字其所著書令監司嚴加覺察范致虛又言頤以

邪說詖祕行惑亂衆聽而尹焞張繹為之羽翼乞下

伊川遷居  
寓之南

令州縣立  
黨人碑

新金

卷七

三

河南盡逐學徒。頃於是遷居龍門。

山名在山西平陽府河津縣。

南止。四方學者曰：尊所聞，行所知。

見十三卷四。

可矣。不必

及吾門也。

**綱**詔童貫監洮西。

見七十八卷。

軍。六月，貫及安

撫王厚復湟州。

見四十九卷六。

貶韓忠彥等官有差。

雖論棄湟州。

罪貶忠彥為磁州團練副使。

安燾為邠州團練副使。

官布為賀州別駕。

范純禮為靜江軍節度副使。

之奇三秋凡預。

**綱**秋八月，張商英罷。

議者貶黜有差。

**綱**九月，令州縣立黨人碑。

京御史斥其反覆。

罷知議收不合數。貶

亳州，詔入元祐黨籍。

**綱**九月，令州縣立黨人碑。

蔡京又自書姦黨為大碑，頒於郡縣。令監司長吏聽

皆刻石。有長安。

今陝西西安府長安縣。

石工安民當鐫。

箋。字。



安民不忍  
刻墓大碑

辭曰民愚人固不知立碑之意但如司馬相公者海  
內稱其正直今謂之姦邪民不忍刻也府官怒欲加  
之罪民泣曰被役不敢辭乞免鑄安民二字於石表  
恐得罪後世聞者愧之

鑄九鼎

綱甲申三年春正月鑄當十大錢命方士魏漢津  
定樂鑄九鼎二月令天下阮銕冶金銀悉輸內藏

圖熙豐功  
臣于顯謨閣

綱夏六月圖熙寧元豐功臣于顯謨閣

雲間張氏曰抑觀功臣圖形於閣有自來矣在  
兩漢則有宣帝之麒麟明帝之雲臺在李唐則  
有太宗之凌煙嗚呼功臣得預於是者豈偶然  
哉非攻城略地則謀猷贊畫是皆有不世之功

此成敗之  
所以不同

以王安石  
配享孔子

無前之績故人君思念不忘所以圖之於既往而勉之於方來也今也徽宗作此顯謨一閣而圖畫熙寧元豐功臣者意安在耶豈不日熙豐間有功之臣莫加於王安石呂惠卿章惇蔡確之輩彼司馬二蘇歐陽韓富周程張載之徒無足多者以是有功之臣而繪之於閣正欲使我後嗣子孫皆得以恪守成憲國日以富兵日以強而傳之萬世不替矣噫徽宗用心若此宜乎媲美漢唐之君而輝耀今古夫何漢唐之君生榮死哀而有宗制之稱徽宗委身沙漠而有昏德之號蓋漢唐之所圖者興王之業徽宗之所圖者亡國之事此成敗之所以不同也

綱以王安石配享孔子臣辟雍見上初成詔荆國公

王安石孟軻以來一人而已其以配享孔子位次孟軻吏部尚書何執申請開學殿使都人縱觀

綱置書



復封孔子  
後為衍聖  
公

畫算學。綱重定黨人。刻石朝堂。凡三百人。綱秋七月復

行方田法。見七十二卷二十六卷十三。綱八月許將罷。九月以

趙挺之。吳居厚為門下中書侍郎。張康國。鄧洵武為

尚書左右丞。綱以胡師文為戶部侍郎。師文蔡京姻家也。綱

冬十二月復封孔子後為衍聖公。見七十二卷。綱是歲大

蝗。安惇卒。

綱乙酉四年春正月蔡卞罷。綱下居心傾邪一意婦

翁王安石所行為至當。以兄京晚達而位在上致已

不得相。故二府中書樞密政事時有不合。至是京請以童

貫為制置使。卡言不宜用宦者必誤邊計。京於帝前

詆卡。卡求去。遂出知河南府。綱以童貫為熙河見七卷

八十蘭州見月。惶上見秦鳳見七卷二路。經略安撫制置使。綱

二月。以張康國知樞密院事。劉遵同知院事。何執中

大錫鐵錢

為尚書左丞。閏月鑄夾錫鐵錢。三月。以趙挺之

為尚書右僕射兼中書侍郎。夏五月。除黨人父兄

置四輔郡

子弟之禁。六月。趙挺之罷。綱秋七月。置四輔郡。目

右司諫姚祐請置輔郡。以拱大。畿詔以潁昌府今河南

封府。為南輔。升襄邑縣今河南歸。為拱州。為東輔。鄭



九鼎成

九鼎方名

大晟樂

州今開封為西輔。澶州今直隸大為北輔。各屯兵

二萬。重其資給。蓋蔡京欲兵權歸已。故也。綱還上書

流人。綱八月。新樂及九鼎成。九月。帝受賀于大慶殿。

綱九鼎成。奉安於九成宮。以蔡京為定鼎禮儀使。帝

幸宮行酌獻禮。鼎各一殿。中央曰帝鼎。北曰寶鼎。東

曰牡鼎。東北曰蒼鼎。東南曰岡鼎。南曰彤同鼎。西南

曰皐鼎。西曰皐音鼎。西北曰魁鼎。時制新樂亦成。賜

名大晟。盛置大晟府。建官屬。九月。帝受賀於大慶殿。

加號魏漢津虛和冲顯寶應先生。帝之幸九成宮也。

北方寶鼎忽破

應奉局花石綱

酌獻至北方寶鼎鼎忽破水流溢於外或者以為北

方致亂之兆綱詔徙元祐黨人于近地惟不得至畿甸綱冬

十一月以朱勔兔領蘇杭見上應奉局及花石綱目

先是蘇州人符朱冲者及其子勔俱給事蔡京所京

竄入其父子名姓於童貫軍籍中皆得官帝頗垂意

花石京諷冲密取浙中珍異以進初致黃楊三本帝

嘉之後歲歲增加舳艫見四十九相銜於淮汴見四十九

卷二號花石綱乃命勔領應奉局及綱事勔指取內

帑如囊中物每取以數十百萬計於是搜巖剔藪幽



不置。凡士庶之家。一石一木。稍堪玩者。卽領健卒。

直入其家。用黃封表識。至使護視之。微不謹。卽被以

大不恭罪。及發行。必搬屋抉洲人牆。以出。人不幸有

一物小異。共指爲不祥。惟恐衫夷之不速。民預是

役者。中家破產。或同賣子女。以供其須。斫竹也山

輦石。程督慘刻。雖在江湖不測之淵。百計取之。必得

乃止。篙工柁師。倚勢貪橫。陵轢歷也。踐州縣道路。以

國徽宗在汴。丐兒爲此。縱飲逆天之事。其與隋

次之手。後主之身。附於臺城。辱井之申。徽宗之命。效

於金虜沙漠之地。天豈有意肆毒於三君哉。無乃自

徽宗與隋  
煬帝陳後  
主一律

取之也書曰內作色荒外作禽荒甘酒嗜音峻音書宇雕牆有一于此未或不亡況三君兼有者乎註見

一卷三  
一胡氏

晉星張竟  
天

綱丙戌五年春正月書出西方長竟天見六十卷九綱以

吳居厚為門下侍郎劉逵為中書侍郎綱詔求直言

毀黨人碑

毀黨人碑復謫者仕籍綱帝以星變避殿損膳劉逵

請碎元祐黨人碑寬上書邪籍之禁帝從之夜半遣

黃門至朝堂毀石刻綱蔡京見之厲聲曰石可毀

太白晝見

名不可滅也尋以太白晝見見四五卷二赦除黨人一切

之禁綱詔崇寧以來左降者無問存沒稍復其官盡



蔡京動以  
惟王不會  
為說

還諸徙者。

廣

直言以詔求。因星變也。毀碑以爭夜。與

臣制其君。則

綱

二月。蔡京有罪。免。臣京懷姦植黨。託

紹述之名。紛更法制。貶斥賢。增脩財利之政。務以

侈靡惑人主。動以周官惟王不會

胎

會計也。周禮

歲終則會。惟王及

后。世子之膳。不會

為說。每及前朝惜財省費者。必以

為陋。至於土木營造。率欲度前規而侈後觀。時天下

久平。京因覲帑。更盈溢。遂倡為豐亨豫大之說。視官

園財物如糞土。聚朝所儲掃地矣。及彗星見。帝悟其

姦。凡所建置。一切罷之。而免京為中太乙宮

見上

使

留京師。綱以趙挺之爲尚書右僕射兼中書侍郎。綱

趙挺之瞻  
晉小人

蔡京窮兇極惡無所顧忌趙挺之深奸諂詐依違取容。一川之閒退一小人進一小人則是進退具瞻皆

小人也。安望所謂綱挺之與劉達同心輔政。然挺之

輔導正救之益哉。綱挺之與劉達同心輔政。然挺之

多知慮後患每建白務開其端而使達畢其說。初蔡

京興邊事用兵累年。至是帝臨朝語去聲大臣曰。朝廷

不可與四夷生隙。豐端一開兵連禍結。生民肝腦塗

地。豈人主愛民之意哉。挺之退謂同列曰。上志在息

兵。吾曹輩也。所宜將順。見四九時執政皆京黨。但唯委

笑而已。綱三月罷求道言。許真人平。秋七月朔。



日當食不虧。冬十二月朔日當食不虧。羣臣稱賀。

綱劉達罷。目蔡京令其黨進言於帝曰。京之改法度。

皆與上旨非私爲之。今一切皆罷。恐非紹述之意。帝。

惑其說。復有用京之心。於是京黨御史余深石公弼。

論達專恣反覆。引用邪黨。出知亳州。見上卷十

綱丁亥。大觀元年春正月。以蔡京爲尚書左僕射兼。

門下侍郎。吳居厚罷。以何執中爲中書侍郎鄧洵。

武梁子美爲尚書左右丞。三月。趙挺之罷。以何執。

中鄧洵武爲門下中書侍郎。梁子美朱諤爲尚書左。

宋徽宗 二九

右丞綱以蔡攸京之長子為龍圖閣學士兼侍讀綱立八

立八行取士科

行取士科曰八行者孝善事父母友善於兄弟睦親於九族姻親於

外平聲信信恤賑濟忠盡心和心無也周禮大司

親任於朋友恤貧乏忠之心和乖戾也徒以鄉三

物教萬民而賓興之一日六德知仁聖義忠和二凡

徐中行不

有此八行者即免試補太學上舍見卷九知台州今

入委羽山在台州府黃巖縣以避之或問之中行曰人而無

行與禽獸等使吾得以八行應科目則彼之不被舉

者非人類歟綱夏五月以蔡薹擢為給事中綱薨以



諸生試策。揣蔡京且復用。卽對曰。熙豐之德業足以配天。不幸繼之以元祐。紹聖之繼述足以永賴。不幸繼之以靖國。於是擢爲第一。以所對頒天下。甫解褐。卽除祕書正字。未踰年。至侍從。前此未有也。○鄧洵武免。六月。以梁子美爲中書侍郎。宋諤卒。秋。八月。以徐處仁爲尚書右丞。林攄。樞密院事。處仁尋罷。○九月。故直祕閣程頤卒。○發凡卒故官錄賢也程頤既已削其官矣此猶書故直祕閣者頤無故不予其削蓋程子兄弟鳴道河南繼正學之統宗振斯文之隆緒誠一代之賢人也惜其弗果大用爲憾耳雖參其學雖屈於一時其業實伸於後世夫豈因其弗果

伊川學本  
於誠

大用而遂貶其道哉。綱目書之。曰頤於書無所不讀。非爲程子惜而爲當世惜也。

其學本於誠。以大學論語孟子中庸爲標指。而達於

六經。動止語默。一以聖人爲師。卒得孔孟不傳之學。

爲諸儒倡。著易春秋傳。平生誨人不倦。故學者出其

門最多。淵源所漸。皆爲名士。而劉絢李籲謝良

佐游酢張繹蘇昞呂大臨呂大鈞尹焞。楊時成德

尤著。世稱頤爲伊川先生。卒年七十五。絢力學不倦。

頤每言他人之學。敏則有矣。未易保也。若絢者。吾無

疑焉。仕終太常博士。籲頤稱其才器可大任。又言自



一年未得  
一矜字  
程門四先生

予兄弟倡明道學能使學者視倣而信從者顧與劉  
絢有力焉仕終較書郎良佐學問該贍事有未激則  
顧有泚妻上聲嘗與顧別一年復來見顧問所進對曰  
但去上聲得一矜字爾顧喜曰是子可謂博學切問而  
近思者與游醉楊時呂大臨在程門號四先生仕終  
監西京竹木場醉初與兄醇俱以文行知名所交皆  
天下士顧見之京師謂其資可以進道及程顥興扶  
溝今河南開封府扶溝縣學醉盡棄故所習而學焉仕終知濠  
州今江南鳳陽府緝家世甚微年長未知學傭力於市聞邑

君曉得二

見上卷

三十

官傳呼聲心慕之卽發憤爲學遂以文名會頤自涪

二士謂繹與尹焞也。晒始學於張載而事二程卒業。

仕爲太常博士坐元符土書邪等

見上

人編管饒州

今江西

饒州府卒大鈞大防之弟能守其師說而踐履之尤

喜講明井田兵制謂治道必自此始張載每歎其勇

爲不可及仕終陝西轉運從事大臨大鈞之弟通六

經尤邃於禮每欲掇

端入聲

採也習三代遺文舊制令

平聲

可行不爲空言以拂世矯俗仕終祕書省正字綱



方軫勅蔡京

閏十月以林摠為尚書左丞鄭居中同知樞密院事  
綱流太廟齋郎方軫于嶺南臣軫上書言蔡京睥睨

睨請也邪社稷內懷不道專以紹述熙豐之說為自

媒之計內而執政侍從外而帥臣監司無非其門人

親戚自元符末陛下嗣服忠義之士投匭見七十一卷二十七者

無日無之京分為邪等見上黥擊也配編置不齒仕

籍則誰肯為陛下言哉京又使子攸日以花石禽鳥

為獻欲愚陛下使不知天下治亂臣以為京必反也

請誅京詔宣示京京請下軫獄竟流嶺南治廣東廣州府綱

舊唐書

十二月黃河清。且乾寧軍治直隸河。言河清踰八百

里。凡七晝夜。詔以乾寧軍為清州。發有道之世。雖遇

之世。雖遇祥而為異。綱目宋徽書河清也。元成書河清順帝書河清常反常也。

受八寶子  
大慶殿

戊子二年春正月朔受八寶于大慶殿。先是

有以玉印六寸龜紐獻者。文曰承天福延萬億永無

極。詔名鎮國寶。至是又得良玉工。帝命作六寶以合

六寶  
九璽

秦制天子六璽。蔡邕獨斷曰璽凡九各有文刻皆以

璽以鎮國中藏而不用。一日受命璽以封禪。神其

所謂六璽者。皇帝行璽以報王公。王公行璽以報四夷。天子信璽以名王公。天子信璽以名兵四夷之數。



曰皇帝行寶皇帝之寶皇帝信寶與受命受命寶鎮國

天子行寶天子之寶天子信寶通曰八寶義者莫不以之為首稱苟秦制之合理何

為二世而亡然則徽宗之作是寶無非蔡京得秦固寵之謀也觀夫得秦璽于咸陽義自是矣匪璽見

上綱二月以葉夢得為翰林學士日夢得初用蔡京

薦為禮部員外郎京罷相趙挺之更其所行及京再

相復反前政夢得入對因言事不過可不可二者而

已以為可而出於陛下則前日不應廢以為不可而

不出於陛下則今日不可復今徒以大臣進退為可

否無乃陛下未有了然於胸中乎帝悅以為起居郎

遂進學士。

**綱**

夏五月

童貫復洮

明州

今陝西都司洮州衛

詔加

貫檢校司空。

以玉帶賜蔡京

**綱**

秋八月

梁子美罷

九月

以林

摠爲中書侍郎。余深爲尚書左丞。

**綱**

皇后王氏崩。

諡

靖和

**綱**

冬十二月

詔以孔伋從祀孔子廟。



尺木堂綱鑑易知錄卷七五

周之炯靜專

綱目續編定本

山陰吳乘權楚材同輯

周之燦星若

宋紀

徽宋皇帝

綱目已丑三年春三月。謫右正言陳禾監信州酒稅。時童貫權益張。與黃經臣胥用事。中丞盧航表裏爲姦。縉紳側目。陳禾曰。此國家安危之本也。遂上書劾。

引衣裾落

碎衣碎首

林攄不識甄益字

貫經臣。怙寵弄權之罪。願亟竄之遠方。論奏未終。帝拂衣起。禾引帝衣。請畢其說。衣裾居衣落。帝曰。正言碎朕衣矣。禾言陛下不惜碎衣。臣豈惜碎首以報陛下。此曹今日受富貴之利。陛下他日受危亡之禍。口愈切。帝變色曰。卿能如此。朕復何憂。內侍請帝易衣。帝却之曰。畱以旌直臣。翌日。貫等相率前訴。謂國家平治。安得如此不祥語邪。遂奏禾狂妄。謫監信州今江西。酒稅綱。夏四月。林攄有罪免。綱。集英名。臚盧。盧盧。傳也。唱貢士。攄當傳姓名。不識甄益字。帝笑曰。卿



誤邪。攄不謝。而語詆同列。御史論其寡學。倨傲不恭。

失人臣禮。黜知滁州。今江南滁州久之。自揚州。今江南揚州府徙

大名。今直隸大名府道過闕。為帝言。頃使遼。崇寧四年冬。林

其激怒以啓豐攄遂恣情不遜遼人見其國中。搆貳

徽宗始有北伐之意

大怒。空客館。絕烟火三日。乃遣還。若兼而有之。勢無不可。蓋欲報其辱也。帝由是始有

北伐之意。綱以鄧居中知樞密院事。管師仁同知院

事。余深為中書侍郎。薛昂劉正夫為尚書左右丞。附昂

蔡京至舉家為京避私諱或誤及之綱五月。流孟翊

于遠州。綱孟翊獻所畫卦象。謂宋將中微有再受命

孟翊易數

之象宜更年號改官名變庶事以厭

煙人聲鎮也

之帝不

樂詔竄之遠方

**綱**

六月管師仁罷

**綱**

蔡京有罪免

**目**

中丞石公弼殿中侍御史張克公劾京罪惡章數十

上京遂罷為太乙宮

見六十八卷

使時有郭天信者以方

伎得親幸深以京為非每奏天文必指陳以撼京密

郭天信深以蔡京為非

白日中有黑子帝為

去聲

之恐故罷京

**綱**

以何執中為

尚書左僕射兼門下侍郎**目**執中一意謹事蔡京遂

陳朝老詣闕上書

代為首相太學生陳朝老詣闕上書曰陛下知蔡京

之姦解其相印天下之人鼓舞有若更生及相執中



豈庸庸之  
醫所能起

是猶以蚊  
負山

中外黯然失望。執中雖不敢若京之蠹國害民。然碌

碌常質。初無過人。天下敗壞至此。如人一身。臟腑受

疹。田上聲。陰。已深。豈庸庸之醫所能起乎。執中黃

寅緣。員。連。攀附致位二府。中書樞密。亦已大幸。遽俾之

經體贊元。是猶以蚤蚊負山。莊子應帝王篇其於治天下也猶涉海鑿河而

使蚊負多。同。見其不勝。升。任也。疏奏不省。綱冬十一

月。詔蔡京以太師致仕。爵京師。

綱庚寅四年春正月。以余深為門下侍郎。張商英為

中書侍郎。侯蒙同知樞密院事。綱蔡京既免。商英自

峽州

見七一起

知杭州

今浙江杭州府

過闕賜對因奏曰神

宗脩建法度務以去大害興大利今誠一一舉行則

盡紹述之美遂畱居政府帝嘗從容問蒙曰蔡京何

如人也蒙對曰使京正其心術雖古賢相何以加帝

使密伺京所為京聞而銜

憾也

之綱夏五月立詞學

兼茂科

綱

見五卷

出奎婁

二宿名

詔直言闕失貶蔡

京為太子少保出居杭州

石公弼等論之也

綱余深罷綱六

月以張商英為尚書右僕射兼中書侍郎

綱蔡京久

盜國柄中外怨疾見商英能立異同更稱為賢帝因

立詞學兼茂科



商書

人望而相之。時久旱。彗星中天。商英受命。是夕彗不

見。明日雨。帝喜。因大書商霖商書說命篇若歲大旱用汝作霖雨二字

賜之。**綱**薛昂免。秋八月。以吳居厚劉正夫為門下

中書侍郎。侯蒙鄧洵仁為尚書左右丞。冬十月立

貴妃鄭氏為皇后。**綱**鄭居中罷以外戚罷以吳居厚知樞

密院事。

**綱**辛卯。政和元年春三月。以王襄同知樞密院事。**綱**

秋八月。張商英罷。**綱**商英為政持平。謂蔡京雖名紹

述。但借以劫制人主。禁錮士大夫耳。於是大革弊事。

童貫使遼

勸帝節華侈。息土木。抑僥倖。帝頗嚴憚之。時稱商英忠直。初。何執中與蔡京同相。凡營立。皆預議。至是。惡商英出已上。與鄭居中。日夜醢織其短。會商英與郭天信往來。事覺。居中因諷中丞張克公論之。遂罷政。出知河南府。尋貶爲崇信軍節度副使。**綱**九月。王襄免。**綱**遣端明殿學士鄭允中及童貫使遼。**目**童貫既得志於西羌。西遂謂遼亦可圖。因請使遼以覘諂平聲。覘之。乃以鄭允中充賀遼主生辰使。而以貫副視也。之。或言以宦官爲上介。國無人乎。帝曰。契丹聞貫破



羌故欲見之。因使覘其國策之善者也。遂行綱冬十

月。羈雞。管陳瓘于台州。瓘以忤蔡京。竄郴反州。

今湖廣瓘子正彙在杭。今浙江訟京有動搖東宮迹。

杭守蔡薺執送京師。陰告京俾為計。事下開封府。併

逮。見十卷治瓘尹李孝壽。逼使證其妄。瓘曰。正彙聞

京將不利社稷。傳於道路。瓘豈得預知。以所不知。忘

父子之恩。而指其為妄。則情有所不忍。挾私情以符

合其說。又義所不為。京之姦邪。必為國禍。瓘固嘗論

之於諫省。亦不待今日語言間也。內侍黃經臣蒞鞫。

窮罪也。鞠。推。聞其詞。失聲太息。謂曰。主上正欲得實。但

如言以對。可也。獄具。正彙猶以所告失實。流海上。瓘

安置通州。今江南揚州府通州。瓘嘗撰尊堯集。謂紹聖哲宗年號。史

官專據王安石日錄。改脩神宗史。變亂是非。不可傳

信。深明誣妄。以正君臣之義。張商英為相。取其書。既

上而商英罷。瓘又徙台州。今浙江台州府。何執中起遷人石

械。介知台州。欲置瓘以必死。械至。執瓘至庭。大陳獄

具。將勝以死。瓘揣知其意。大呼曰。今日之事。豈被制

旨邪。械失措。始告之曰。朝廷令取尊堯集爾。瓘曰。然

陳瓘撰尊堯集



童貫以李  
良嗣來賜  
姓趙

則何用許。使君知尊堯所以立名乎。蓋以神考爲堯  
主上爲舜。尊堯何得爲罪。時相學術短淺。爲人所愚。  
君所得幾何。乃亦不畏公議。干犯名分乎。懣懣揖攅。  
使退。執中怒。罷懣。攅平生論京兄弟。皆披擿其處  
心。發露其情。懣最所忌恨。故得禍最酷。綱童貫以遼  
李良嗣來。命爲祕書丞。賜姓趙。國燕。順天府遼都也。  
人馬植本遼大族。仕至光祿卿。行汚而內亂。不齒於  
人。童貫使遼道盧溝。河名。在順天府西南。植夜見其侍史。自言  
有滅燕之策。因得見貫。貫與語。大奇之。載與俱歸。易

姓名曰李良嗣。薦諸朝。植卽獻策曰。女真見七三恨

遼人切骨。而天祚遼主耶律延禧荒淫失道。本朝若

自登萊見四九涉海結好去聲女真之相約攻遼。其

國可圖也。議者謂祖宗以來。雖有燕趙。以其地接諸

蕃。禁商賈舟船不得行。百有餘年矣。一旦啓之。懼非

中國之利。不聽。帝召問之。植對曰。遼國必亡。陛下念

舊民遭塗炭之苦。復中國往。昔之疆。代天譴責。以治

伐亂。主師一出。必壺漿來迎。萬一女真得志。事不侔

矣。帝嘉納之。賜姓趙氏。以爲祕書丞。圖燕之議自此

馬植請結  
女真圖遼



始

綱壬辰二年春二月復蔡京太師賜第京師京自杭州名還

帝宴之於內苑太清樓綱夏五月詔蔡京三日至都堂議事

目京患言者議已乃作御筆密進而丐求也帝親書以

降謂之御筆手詔違者以違制坐之事無巨細皆紀

以行至有不類帝書者羣下亦莫敢言由是貴戚近

臣爭相請求至使中人楊球代書號曰書楊京復病

之而亦不能止矣綱六月以余深為門下侍郎綱秋

九月更定官名蔡京率意自用欲更置官名以繼元豐之政乃首更開封守臣為尹牧由

御筆手詔

書楊

更定官名

綱

卷七

宋徽宗

七

受元圭于  
大慶殿

是府分六曹縣分六案內侍省職忝做機廷之號循  
六尚局建三衛郎遂詔太師太傅太保古三公之官  
今為三師古無此稱合依三代為三公為真相之任  
司徒司空周六卿之官太尉秦主兵之任皆非三公  
並宜罷仍立三孤為次相之任更侍中為左輔中書  
令為右弼尚書左僕射為太宰兼門下侍郎右僕射  
為少宰兼中書侍郎罷尚書令  
及文武勳官而以太尉冠武階  
于大慶殿赦時民間有得王圭來獻者  
為少傅十二月加童貫太尉  
綱冬十一月受元圭

綱癸巳三年春正月追封王安石為舒王安石子雱

為臨川見六十九伯從祀孔子廟綱以向執中為太宰

綱吳居厚罷以鄭居中知樞密院事綱二月太后劉



氏自殺。

劉氏哲宗后以不謹聞帝與輔臣議將廢之后即自縊死諡昭懷。

**綱**夏四月

鄧洵仁罷。

**綱**以薛昂為尚書右丞。

閏月改公主為

帝姬。

秋八月以何執中為少師。

**綱**九月賜方士王

老志號洞微先生王仔昔號通妙先生。

**綱**濮

今山東東昌府

濮州人王老志初為小吏遇異人授以丹遂棄妻子結

草廬田閒為人言休咎多驗太僕卿王亶以名聞時

帝方嚮道術乃召至京師館於蔡京第嘗緘書一封

至帝所啓視乃昔歲秋中與喬劉二妃燕好

去聲

之語

也由是益信之號為洞微先生朝士多從求書初若

不可解械者卒應者什八九其門如市踰年而死洪

州今江西人王仔昔初隱於嵩山在河南河南府登封縣自言

遇許遜南昌人晉初為旌陽令點石化金足遁賦尋棄官歸精脩山中年一百三十六歲舉家飛

升宋封妙濟真君得大洞隱書豁落七元之法能道人未來

事京薦之帝召見賜號冲隱處士進封通妙先生由

是道家之事日興而仔昔恩寵浸加朝臣戚里夤緣

關通綱冬十一月祀天子園丘以天神降詔百官

十二月詔求道教仙經于天下綱女真阿骨打自稱

都勃極烈綱初遼主如春州幸混同江在盛京奉天府開原縣城

道家之事

日興

天神降

求道教仙經



阿骨打雄  
豪不常

北一千五百里。經五國城。久海。釣魚。生女真。見六五酋長在千里內。

卷三

者。以故事皆來朝。適遇魚頭宴。遼主命諸營次第起舞。至阿骨打。辭不能。但端立直視。遼主喻之再三。終不從。他日遼主密諭北院樞密使蕭奉先曰。阿骨打雄豪不常。可托以邊事。誅之。否則必貽後患。奉先曰。彼鹿粗人。不知禮義。且無大過而殺之。恐傷向化心。設有異志。葢爾貌小國亦何能為。遼主乃止。阿骨打歸。疑遼主知其異志。且以遼主淫酣。虛去聲。酣醉怒也。不恤國政。遂稱兵。先并旁近族。至是節度使烏雅東死。

阿骨打襲位為都勃極烈。都勃極烈者，官長也。遼使  
阿息保往，謂之曰：「何故不告喪？」阿骨打曰：「有喪不能  
弔，而乃以為罪乎？」

阿骨打混  
同江之捷

**綱**甲午四年冬十月，女真阿骨打叛遼，取寧江州。**綱**  
十一月，遼遣都統蕭嗣先伐女真。阿骨打迎戰于混  
同江，遼軍大敗。**目**遼主聞寧江州陷，乃以司空蕭嗣  
先為東北路都統，蕭撻不也副之。帥兵屯出店河。阿  
骨打帥衆來禦，未至混同江。見上會夜，阿骨打方就枕，  
若有扶其首者三，寤而起，曰：「神明警我也。」即鳴鼓舉



燧遂火也。而行。黎明。見五十三卷至混同江。與遼兵遇。會大風起。塵埃蔽天。阿骨打乘風奮擊。遼兵潰。會將士多死。其獲免者十有七人。遼人嘗言女真兵滿萬則不可敵。至是始滿萬云。

**綱**乙未五年春正月。女真完顏阿骨打稱帝。國號金。  
**目**阿骨打既屢勝遼。其弟吳乞買率將佐勸其稱帝。阿骨打遂於正月朔即皇帝位。且曰。遼以寶鐵為號。取其堅也。寶鐵雖堅。終亦變壞。惟金不變不壞。金之色白。完顏。色尚白。況所居按出虎水之上。於是國號

大金改元收國更名晟以吳乞買為諱庵班勃極烈

撒改斜也為國論倫勃極烈其國語謂金為按出虎

謂尊大為諱班謂國相為國論斜也亦阿骨打弟撒

改烏古迺之孫也綱二月立定王桓為皇太子赦

桓帝長子顯綱以童貫領六路邊事時承興鄜延環

恭皇后所生綱以童貫領六路邊事慶秦鳳涇原熙

有流星出於柳

河各置經略安撫司以貫總綱秋八月有星流出於

柳綱其光照地色赤黃有尾占者以為天子宗廟有

喜國家建造宮室之祥蔡京率百官表賀綱安置太

子詹事陳邦光於池州今江南綱蔡京獻太子以大



太子碎琉璃酒器

金主乘赭白馬徑涉混同江

方士林靈素

食國琉璃

見卷五

酒器羅列宮庭

太子怒曰天子大

臣不聞以道義相訓乃持玩好

去聲

之具蕩吾志邪命

左右碎之京聞邦光實激太子諷言者擊逐之綱九

月金取遼黃龍府金主攻黃龍府

見卷六

次混同

江

見上

無舟以渡金主使一人導前乘赭

赤色白馬

徑涉曰視吾鞭所指而行諸軍隨之以濟遂克黃龍

府遣蕭辭

刺

是年五月遼遣蕭還遼

曰若歸我

叛人阿疎

見卷七

即當班

還也

師

綱丙申六年春正月賜方士林靈素號通真達靈先

生。目靈素温州

今浙江温州府

人。少從浮屠

僧也

苦其師笞罵

去為道士。善妖幻。往來淮泗

見三五卷十七

開。及王老志死

王仔昔寵衰帝訪方士

方外之士於左

階道籙徐知常知

常以靈素對即名見

靈素大言曰天有九霄而神霄為最高其治曰府神霄玉清王

者上帝之長子主南方號稱長生大帝君陛下是也

既下降於世其弟號青華帝君者主東方攝領之又

有仙官八百餘名今蔡京即左元仙伯王黼即文華

使鄭居中童貫等皆有名而已即仙卿褚慧下降佐

帝君之治時劉貴妃方有寵靈素以為九賜號通真

華玉真安妃帝心獨喜其事甚加寵信

達靈先生為

去聲

改温州為應道軍。靈素本無所能惟

稍習五雷法。名呼風霆。聞禱雨。有小驗而已。綱。閏月

林靈素大言



立道學

立道學。從林靈素之言也。**綱**二月。作上清寶籙宮。成。夏四

月。何執中罷。詔蔡京。三日一朝。總治三省事。五

月。以鄭居中為少保太宰。劉正夫為少宰。鄧洵武知

樞密院事。秋八月。以侯蒙為中書侍郎。薛昂為尚

書左丞。**綱**九月。帝詣玉清和陽宮。上玉帝徽號。**曰**

上玉帝徽號

帝奉捧玉冊玉寶。如玉清和陽宮。政和三年四月作。上玉帝

尊號。曰太上開天執符御曆含真體道昊天玉皇上帝。

詔天下洞天福地。脩建宮觀。貫塑造聖像。**綱**冬。十

月。以白時中為尚書右丞。十二月。劉正夫罷。

林靈素講  
道經

守道會

有星如月  
南行

綱丁酉七年春二月帝幸上清寶籙宮命林靈素講  
 道經。目時道士皆有俸每一觀給田亦不下數百千  
 頃。百畝為頃凡設大齋輒費緡民也。錢錢數萬貧下之人  
 多買青布幅巾以赴日得一飫。於去聲飽也餐而觀施錢  
 三百謂之千道會。且令士庶入聽靈素講經帝為設  
 幄其側。靈素據高座使人於下再拜請問。然所言無  
 殊絕者。時時雜以滑骨稽詼諧也。媒褻語。上下為大閨  
 決去笑。莫有君臣之禮。綱夏四月道籙院上章冊帝  
 為教主。道君皇帝。冬十二月有星如月南行。帝



作萬歲山

言天神降于坤寧殿。綱作萬歲山。初帝以未得嗣

子為念道士劉混康以法籙符水出入禁中言京師

西北隅地協堪輿。

天地總名堪輿。天地輿地。

倘形勢加以小高當

有多男之祥始命為數仞。

八尺曰仞。

岡阜已而後宮生子

漸多帝甚喜始信道教至是又命戶部侍郎孟揆於

上清寶籙宮東築山以像餘杭。

今浙江杭州府。

之鳳凰山。

在杭

州府城南。號曰萬歲。

綱戊戌重和元年春正月作定命寶成。于闐

見五卷

三土美玉踰二尺帝命製寶號曰定命寶合前八寶

約金攻遼

見上卷  
三二 爲九寶以定命寶爲首  
綱以王黼爲尚書左  
丞  
綱二月遣武義大夫馬政浮海使金約夾攻遼  
綱

建隆  
太祖  
年號  
中女真嘗自其國之蘇州泛海至登州  
山今

東登  
州府  
賣馬故道猶存至是有漢人高藥師者泛海來

言女真建國屢破遼師登州守臣王師中以聞詔蔡

京童貫共議命師中募人同藥師等齎市馬詔以往

不能達而還帝乃復委童貫選人使之遂使武義大

夫馬政同藥師由海道如金政言於金主曰主上聞

貴朝攻破契丹五十餘城欲與通好  
去聲  
共行弔伐若



金好自此始

掖庭大火

允許後當遣使來議通金好自此始

居中為少傅余深為少保八月以童貫為太保

九月掖庭宮旁大火凡焚五千餘間後苑廣聖宮及宮人所居幾盡焚死者甚衆

綱薛昂罷以白時中王黼為門下中書侍郎馮熙載

范致虛為尚書左右丞鄭居中罷閏月立周恭

帝後冬十二月遼大饑人相食

綱已亥宣和元年春正月金人來聘遣馬政報之不

至而復金主遣渤海見六五卷三女真人李善慶等持國

書同馬政來脩好詔蔡京等諭以夾攻遼之意遣政

同趙有開齋詔與善慶等渡海報聘行至登州有開

死會謀

謀。今之細作。

者言遼已封金主為帝乃詔政勿行

止遣平海軍較呼慶送善慶等歸金金主遣慶歸且

金人不肯  
受宋詔

語之曰歸見皇帝果欲結好早示國書若仍用詔決

難行也

綱以余深為太宰王黼為少宰二月以鄧

洵武為少保三月以馮熙載為中書侍郎范致虛

京師大水

張邦昌為尚書左右丞綱夏五月京師大水目京師

茶肆傭農興見犬犬蹲

存

楊傍近視之則龍也軍器

作坊兵士取而食之逾五日犬雨如注歷七日而止



京城外水高十餘丈起居郎李綱言國家都汴百五十餘年矣未嘗有此異夫變不虛生必有感召之災非易禦必有消復之望求直言采而用之以答天戒詔貶綱一官與縣去綱六月夏人來童貫諷夏人納款也詔童貫罷兵秋七月以貫為太傅時人稱蔡京為公相貫為嫗相綱八月范致虛罷目時朝廷欲用師契丹致虛言邊隙一開必有意外之患宰相謂其懷異會母喪去位綱九月幸蔡京第綱加蔡攸開府儀同三司目攸有寵於帝進見無時與王黼得預宮中祕戲或侍曲宴私宴也則

攸黼著

灼

短衫窄袴塗抹青紅雜倡優侏儒

見四卷三十

中多道市井淫媒

藝

諛浪

見六三卷十六

語以獻笑取悅攸

妻宋氏出入禁掖攸子行領殿中監寵信傾其父攸

嘗言於帝曰所謂人主當以四海為家太平為娛

魚

歲月能幾何豈徒自勞苦帝深納之因令苑囿皆倣

江浙

江南

為白屋不施五采多為村居野店及聚珍

禽異獸動數千百以實其中都下每秋風夜靜禽獸

之聲四徹宛若山林陂

卑

澤之間識者以為不祥之

兆綱冬十一月以張邦昌王安中為尚書左右丞綱

不祥之兆



十二月帝數朔微行竄祕書省正字曹輔于郴州見上

五廣曹輔忠君愛國而反蒙竄逐則徽宗之縱欲義拒諫其與楊廣陳叔實一轍矣不亡得乎  
三

帝自政和徽宗年號以來多微行私出也始民閒猶未知及

蔡京謝表輕車小輦見五二卷八七賜臨幸自是見四卷八

四曹輔諫徽宗報傳之四方而臣僚阿順莫敢言曹輔上疏諫曰

陛下厭居法宮時乘小輦出入塵陌郊坰綱。邑外

日牧牧外日野野極遊樂而後返臣不意陛下當宗

外日林林外日社付託之重玩安忽危一至於此夫君之與民本以

人合各則為腹心離則為楚越畔服之際在於斯須

甚可畏也。萬一當乘輿不戒之初。一夫不逞。包藏禍心。雖神靈垂護。然亦損威傷重矣。又況有臣子不忍言者。可不戒哉。帝得疏。出示宰臣。令赴都堂審問。余深曰。輔小官。何敢論大事。輔曰。大官不言。故小官言之。王黼陽顧張邦昌。王安石曰。有是事乎。皆應以不知。輔曰。茲事雖里巷小民無不知。相公當國。獨不知邪。曾此不知焉。用彼相。黼怒。令吏從輔受詞。輔操筆曰。區區之心。一無所求。愛君而已。退待罪於家。遂編管郴州。初。輔將有言。知必獲罪。名子紳來付以家事。



吾道南

楊游立雪

乃閉戶草疏。及貶怡然就道。**綱**名楊時為祕書郎。**綱**

時南劍今福建將樂今延平府人。初舉進士第。聞程

顥兄弟講孔孟絕學於河洛。黃河洛水在河南府洛陽縣調去

官不赴。以師禮見顥於潁昌。今河南開封府許州相得甚歡。其

歸也。顥目送之曰。吾道南矣。及顥卒。又師事程頤於

洛。蓋年四十矣。一日。頤偶瞑。閉目坐。時與游酢侍立。

不去。頤既覺。教則門外雪深一尺矣。後歷知瀏流陽

今湖廣長沙餘杭今浙江杭州蕭山今浙江紹興三

縣。皆有惠政。民思之不忘。時安於州縣。未嘗求聞達。

而德望日重。四方之士。不遠千里從之遊。號曰龜山

先生。會蔡京客張翬。學言於京曰。今天下多故事。至

此必敗。宜亟引舊德老成。置諸左右。庶幾猶可及。京

問其人。翬以時對。京因薦之。會路允迪自高麗見七

十還。言高麗國王問龜山先生安在。乃召為祕書郎。

**綱**庚子二年春正月。罷道學。**綱**林靈素有罪。放歸田

里。**目**靈素初與道士王允誠共為神怪之事。後忌其

相軋。勢相傾也。毒殺允誠。遂專用事。及都城水。帝遣

靈素厭。煙入聲。勝。鎮也。方步虛城上。役夫爭舉梃。庭上聲。



也。杖將擊之走而免。帝始厭之。然橫恣愈不悛。詮。改也。道

遇皇太子弗斂避。太子入訴於帝。帝怒。以靈素為太

虛大夫。斥還故里。命江端本通判溫州。見上。察之。端

本廉也。得其居處過制罪。詔徙置楚州。今江西南。命下

而靈素已死。**綱**二月遣趙良嗣使金。時童貫密受旨

右文殿脩撰趙良嗣往金。仍以市馬為名。其實約攻

遼。以取燕雲之地。燕見上六。雲見六八。卷二三。**綱**夏六月詔蔡京致仕。回京專政日久。公論益不與

帝亦厭薄之。子攸權勢既與父相軋。浮薄者復開諫

焉。由是父子各立門戶。遂為仇敵。攸別居賜第。一日

父子各立門戶

詣京。京正與客語。使避之。攸甫入。遽起。握父手爲診

軫同視狀。曰。大人脈勢舒緩。體中得無有不適乎。京

曰。無之。攸曰。禁中方有公事。卽辭去。客竊窺見。以問

京。京曰。君固不解械曉也。此邪。此兒欲以爲吾疾而罷

我耳。閱數日。果以太師魯國公致仕。仍朝朔望。**綱**秋

八月。金人來議攻遼。及歲幣。遣馬政報之。曰。趙良嗣

謂金主曰。燕本漢地。欲夾攻遼。使金取中京。見六十六卷十六

大定府。宋取燕京。見上析津府。金主許之。遂議歲幣。

金主因以手札付良嗣。約金兵自平地松林趨古北。

金議攻遼  
及歲幣



口宋兵自白溝

見六八卷十三

夾攻不然不能從因遣勃堇

偕良嗣還以致其言帝使馬政報聘書云大宋皇帝

致書於大金皇帝遠承示書致罰契丹當如來約已

差童貫勒兵相應彼此兵不得過關歲幣之數同於

遼

**[綱]**以余深爲少傅

**[綱]**冬十月

加內侍梁師成太尉

**[目]**

時帝畱意禮文符瑞之事師成善逢迎希恩寵帝

命處殿中凡御書號令皆出其手多擇善書吏習倣

帝書雜詔旨以出外庭莫能辨師成實不能文而高

自標榜自言蘇軾出於時天下禁誦蘇文其尺牘在

隱相

方臘作亂

人聞者皆毀去。師成訴於帝曰：先臣何罪？自是軾之  
文乃稍出。以翰墨爲已任。四方俊秀名士必招致門  
下。往往遭點汙。多置書畫卷軸於外舍。邀賓客縱觀。  
得其題識。至合意者輒密加汲引。執政侍從可階而  
升。王黼以父事之。稱爲恩府先生。蔡京父子亦諂附  
焉。都人目爲隱相。所領職局至數十百階。至開府儀  
同三司。布衣朱夢說上書論宦寺權太重。詔編管於  
池州。見上綱睦州人。方臘作亂。目睦州。今浙江清溪  
今嚴州府淳安縣。民方臘世居黟揭村。託左道以惑衆。臘有



鄧肅進詩

漆園造作局。屢酷取之。臘怨而未敢發。時吳中

謂蘇枕

困於朱勔花石

見上卷二六

之擾。比屋致怨。太學生鄧肅

進詩諷諫。帝不聽。放肅歸田里。勔益橫。臘因民不忍。

陰聚貧乏游手之徒。以誅勔為名。起作亂。自號聖公。

建元末。樂置官吏將帥。以巾飾為別。自紅巾而上。凡

六等。無弓矢介

甲也

冑。惟以鬼神詭祕事相扇誅

恤誘也

焚室廬。掠金帛。子女誘脇良民為兵。人安於太平。不

識金革。聞金鼓聲。即斂手聽命。不旬日。聚眾至數萬。

靜軒周氏曰。嗚呼。宋室自此亂矣。方臘作亂。自往年萌孽。至是始書於策。臘雖破滅。而宋江金

花石流弊  
至是甚

虜滑夏之謀接踵而起。宋遂不支。儻以徽欽昏淫相繼為亡宋之主。則方臘之亂實起於重和初年。是時徽宗失德。既形禍已。若此。然則逆氣所鍾。妖孽乘之。尚復何說之有哉。下書陷睦歙。杭州陷。婺處州陷。衢州寇。秀州如入無人之境。然則花石之害民。其流之弊至是甚矣。識者可以察之。後之有天

綱十一月。余深罷。以王黼為少保太宰。綱十二月。

方臘陷睦歙。攝。今江。南徽州府。杭五。州。詔以童貫為江淮。

荆。浙。宣撫使。發兵討之。帝得報始大驚。乃罷北伐之議。而以童貫為宣撫使。譚稹

為兩浙制置使。率禁旅及秦晉蕃漢兵十五萬討之。綱真臘。見七二卷。入貢。

綱辛丑二年春正月。鄧洵武卒。童貫承詔罷蘇杭。



集江以三  
十六人橫  
行

應奉局花石綱。綱方臘陷婺州。今浙江。又陷衢州。

衢州府。目衛守彭汝方被執。罵賊而死。賊屠其城。綱

二月方臘陷處州。今浙江。處州府。綱淮南盜宋江掠京東諸

郡。知海州張叔夜擊降之。綱宋江起為盜。以三十六

人橫行河朔。河北也。轉掠十郡。官軍莫敢嬰。其鋒知

亳州。見七十二卷八。侯蒙上書言江才必有過人者。不若赦

之。使討方臘。以自贖。帝命蒙知東平府。見五十九卷二十。未赴

而卒。又命張叔夜知海州。今江南鳳陽府海州。江將至海州。叔

夜使開。諫。諫也。今之細作。者覘見上所向。江徑趨海濱。劫鉅

舟十餘載。鹵

同虜

獲叔夜募死士得千人。設伏近城。而

出輕兵距海誘之。戰先匿壯卒海旁伺兵合。舉火焚

其舟。賊聞之皆無鬪志。伏兵乘之擒其副賊。江乃降。

**綱**方臘寇秀州。

今浙江嘉興府

官軍敗之。

臘還據杭州

**綱**遼都統

耶律余覲叛降金。**綱**夏四月童貫合兵擊方臘破之。

執臘以歸。**綱**二月童貫譚稹軫前鋒水陸並進臘乃

宵遁還清溪幫。

邦

源洞。

一名清溪洞

諸將劉延慶辛興宗

王洲等相繼至盡復所陷城。四月貫等合兵擊臘於

幫源洞。臘衆尚二十萬。與官軍力戰而敗。深據巖屋



韓世忠擒  
方臘

為三窟

坤入聲

諸將莫知所入

王淵裨

皮將

偏將

韓世

忠

潛行溪谷間

野婦得徑

即挺身仗戈

直前擣其穴

格殺數十人

擒臘以出

辛興宗領兵截洞口

掠為已

功併取臘妻子

及偽相方肥等五十二人

殺賊七萬

餘人其黨皆潰

會臘凡破六州五十二縣

戕平民二

百萬所掠婦女

自賊洞逃出

裸而奔於林中者

相望百餘里

**綱**五月以鄭居中領樞密院事

大蝗

**綱**安置御史中丞陳過庭于黃州

**目**過庭以睦寇

方臘竊發

嘗上言致寇者

蔡京養寇者

王黼竄二人則寇自

陳過庭直  
言

黑青見祭中

平。又言朱勔父子。本刑餘小人。交結權近。竊取名器。

罪惡盈積。宜正典刑。以謝天下。三人憾之。至是陷以

罪。責黃州。今湖廣黃州府安置。**綱**秋七月。黑青生上見。現于

禁中。青妖氣也**目**元豐神宗年號末。嘗有物大如席。夜見寢殿

上。而神宗崩。元符哲宗年號末。又見。哲宗崩。至大觀徽宗年號

間。漸晝見。政和徽宗年號以來。大作。每出。若列屋摧倒之

聲。其形僅丈餘。彷彿如龜。黑氣蒙之。不大了了。氣之

所及。腥血四灑。又或變人形。或為驢。晝夜出無時。多

在掖庭。宮旁舍及內殿。習以為常。人亦不大怖。又洛陽



見六卷二五。府畿內忽有物如人。或如犬。其色正黑。不辨

眉目。始夜則掠小兒食之。後雖白晝入人家為患。所

至喧然不安。謂之黑漢。有力者夜執鎗自衛。亦有託

以作過者。二年乃息。**綱**八月。加童貫太師。封楚國公。

**綱**方臘伏誅。改睦州為嚴州。**綱**九月。以王黼為少傅。

鄭居中為少師。詔宦者李彥括民田于京東西路。

**綱**冬十月。詔童貫復領陝西兩河宣撫使。十一月。

馮興載罷。以張邦昌為中書侍郎。王安中。李邦彥。

為尚書左右丞。金侵遼中京。見上十八。

綱壬寅四年春正月以蔡攸為少保。綱金克遼中京。

遼耶律延禧殺其子晉王敖盧斡走雲中。金克中京耶律撒八

等謀立敖盧斡事覺遼主遣人縊殺之敖盧斡素有人望由是人心解體耶律余覲引金兵逼遼主行宮

遼主率衛士五千餘騎走雲中。綱二月管句搆太平

觀貫陳瓘卒。目或問游酢以當今可以濟世之人。酢

曰四海人才不能周知以所識知陳了翁。字其人也。

劉安世嘗因瓘病使人勉以醫藥自輔曰天下將有

賴於公當力加保養以待時用至是卒於楚州。見上十八

綱三月金襲遼軍延禧走夾山。綱遼燕京留守李處

人陳了翁其



與居中遠

溫等以耶律淳

延禧之叔

稱帝。遙廢其主延禧為和陰王。

**綱**金克遼西京。

見同上雲中。

**綱**詔童貫蔡攸等勒兵巡邊。

以應金。

且朝廷既與金約夾攻遼以復燕雲。蔡京童

貫主之。卿居中力陳不可。謂京曰。公為大臣。不能守

兩國盟約。輒造事端。誠非廟算。京曰。上厭歲幣五十

萬。故爾居中曰。公獨不思漢世和戎用兵之費乎。使

百萬生靈肝腦塗地。公實為之。由是議寢。及金數

朔

敗遼兵。童貫乃復乞舉兵。居中又言不宜幸災而動。

待其自斃可也。時睦寇初平。帝亦悔於用兵。王黼獨

言曰。中國與遼雖為兄弟之邦。然百餘年間。彼之所  
以開邊慢我者多矣。今而不取燕雲。女真即踴中原  
故地。將不復為我有。帝遂決意治兵。會聞耶律淳自  
立。乃以蔡攸副貫勸兵十五萬巡北邊。以應金。夏  
五月。童貫進兵擊遼。敗績。退保雄州。詔班師。貶都統  
制种允師道為右衛將軍致仕。貫至高陽關。在直隸保  
定府定縣。遣部統制种師道護諸將進兵。師道諫曰。今  
日之患。如盜入隣家。不能救。又乘之而分其室焉。  
無功。以沮事。貫不聽。耶律淳聞之。遣耶律大石蕭幹

种師道諫  
進兵



宋師白溝  
之財

禦之師道次白溝

見上十九

遼人謀而前師道前軍統制

楊可世敗績師道退師雄州

今保定府雄縣

帝聞兵敗而懼

詔班

還

師遼使來言曰女真之叛本朝亦南朝之所

甚惡也今射

石

一時之利棄百年之好

去聲

結豺狼之

鄰基他日之禍謂為得計可乎救災恤鄰古今通義

惟大國圖之買不能對种師道復請許之和買不納

而密劾師道助賊王黼怒責授師道右衛將軍致仕

六月以王黼為少師遼耶律淳死其妻蕭氏稱

太后主國事李處溫伏誅

處溫懼禍南通童貫欲挾蕭后納土北通於金欲為

內應事覺后。綱秋七月。詔童貫蔡攸再舉伐遼。以劉  
執處溫賜死。綱九月。除朝散郎宋昭名。昭上書。  
延慶為都統制。綱極言遼不可攻。金不可鄰。異時金必敗盟。為中國患。  
乞誅王黼童貫趙良嗣等。且曰。兩國之誓。敗盟者禍。  
及九族。陛下以孝理天下。其忍忘列聖之靈乎。陛下  
以仁覆天下。其忍置河北之民於塗炭之中。而使肝  
腦塗地乎。王黼大惡之。除昭名。編管海州。見上。綱金  
遣使來。命趙良嗣報之。金人聞童貫舉兵。恐朝廷徑  
來議師期。帝遣趙良嗣。取燕而歲幣不可得。乃遣使  
報之。且言不負初約。綱遼將郭藥師以涿順天府



涿州今直隸保定府易州今直隸保定府二州來降。冬十月，劉延慶及郭藥

師進兵攻遼。藥師襲燕，敗績。延慶兵潰。以蔡攸為

少傅，判燕山府。即順天府。十一月，金人來議燕地。十二

月，遣趙良嗣復如金，求營。今直隸永平府昌黎縣。平。即末灤。

趙良嗣如金求三州。

今永平府灤州三州。初，朝廷與金約，但求石晉賂契丹故地。

以求援者，既而王黼悔欲并得之。金主不肯，及趙良

嗣往，金主云：「今更不論元約，特與燕京、薊、景、檀、順、涿、

易六州。」良嗣言：「元約十六州，今乃如此，信義安在？」抗

辯數四，金人不從。良嗣乃與其吏李靖偕來，止許六

金克遼燕京。

州。帝復遣良嗣送之。見六一卷三十一。金克遼

燕京。耶律淳妻蕭氏奔天德。於是遼五京皆為金有。

良嶽

還且獻

**綱**萬歲山

見上

成更名曰良嶽

帝自為良嶽記以為山在

遼傳

國之良

**綱**政和七年

冬書作萬歲山至是年冬而始

位故也

**綱**竣事則

跨歷六年極土木之盛殫億萬之

財天怒於上而不悟民怨於下而不知是時強狄在

外漸為國患宋之君臣曾未見其思患預防之心而

徒今日敏民貨明日勞民力自古荒淫之君愚之甚

者未有如徽宗之甚者也噫民心既離天命亦叛雖

有臺池鳥獸豈能獨樂哉

**綱**癸卯五年

金太宗完顏吳

乞買天會元年

春正月

金遣使來趙

良

嗣復如金

**綱**良嗣至燕與金主議燕京西京之地金

主曰若宋必欲平灤等州則并燕京不與因以答書

先示良嗣良嗣讀至燕京用本朝兵力攻下其租稅



當輸本朝。良嗣因曰。租稅隨地。豈有與其地而不與其租稅者。粘沒喝曰。燕京自我得之。則當歸我。大國熟計。君不早見。與請速追涿易之師。無畱我疆。於是遣李靖與良嗣偕來。靖既入對。遂見王黼。黼謂靖曰。租稅非約也。上意以交好去聲之故。欲以銀絹充之。靖復請去年歲幣。帝亦特許之。仍命良嗣與靖偕使。綱以王安中知燕山府。郭藥師同知府事。朝廷以金人將歸燕。謀帥臣守之。左丞王安中請行王黼贊於帝。遂以安中知燕山府。郭藥師同知府事。詔藥師入

藥師不  
放生

金南京

朝禮遇甚厚。賜以甲第。姬妾。命貴戚大臣更互設宴。  
又召對於後苑。延春殿。藥師拜庭下。泣言。臣在虜中。  
聞趙皇如在天上。不謂今日得望龍顏。帝深褒稱之。  
委以守燕。對曰。願效死。又令取天祚。見上以絕燕人  
之望。藥師變色言曰。天祚故主也。國破出走。臣是以  
降陛下。使臣畢命。他所不敢辭。若使反故主。非所以  
事陛下。願以付他人。因涕泣如雨。帝以爲忠。解所御  
珠袍及二金盆以賜。藥師出諭其下曰。此非吾功。汝  
輩力也。卽剪盆分給之。**綱**金以遼平州。見上爲南京。命



張穀角畱守。**綱**二月。以李邦彥趙野爲尚書左右丞。

**綱**三月。遣使如金。**目**趙良嗣至燕。謂金主曰。本朝徇

大國多矣。豈平灤一事不能相從邪。金主曰。平灤欲

作邊鎮。不可得也。遂議租稅。金主曰。燕租六百萬。止

取一百萬。不然。還我涿易。舊疆我且提兵按邊。良嗣

曰。本朝自以兵下涿易。今乃云爾。豈無曲直邪。且言

御筆許十萬。至二十萬。不敢擅增。乃令良嗣歸報。金

主謂之曰。過半月不至。吾提兵往矣。時左企弓遼相

左企弓獻燕京時

嘗以詩獻金主曰。君王莫聽捐燕議。一寸山

詩金主

綱鑑易知錄

卷七十五

宋徽宗

許金歲幣

金歸燕及六州之地

河一寸金。故金人欲背初約。要邀求不已。良嗣行至

雄州。見上以金書遞驛奏。王黼欲功之速成。乃請復

遣良嗣自雄州再往。使許遼人舊歲幣四十萬之外。

每歲更加燕京代稅錢一百萬。緡民。錢貫也。金主大喜。

遂遣銀朮可持誓書草來。許以燕京及六州。見來歸下

而山後諸州及西北一帶。接連山川。不在許與之限。

帝曲意從之。遣盧益趙良嗣等持誓書往。金人又求

糧。良嗣許以二十萬石。綱夏四月。金人來歸燕及涿

易檀。今順天府密雲縣順。今順天府順義縣景。今直隸河間府景州薊。順天府



楊時對

州之地。詔童貫蔡攸班師。**綱**金襲遼。延禧于青塚。獲

其子女族屬。從臣以歸。延禧邀戰。敗績。走雲內。**綱**五

月。以楊時為邇英殿說書。日時入對。言於帝曰。熙寧

神宗之初大臣文六藝也。六經之言。以行其私。祖宗之

法。紛更殆盡。哲宗繼之。盡復祖宗之舊。熙寧之

法。一切砌廢革。至紹聖。哲宗崇寧。徽宗抑又甚焉。凡

元祐之政事。著在令甲。法令首皆焚之以滅其迹。自

是分為二黨。縉紳之禍。至今未殄。臣願明詔有司。條

具祖宗之法。著為綱目。有宜於今者。舉而行之。當損

益者損益之元祐熙豐熙寧姑置勿問一趨於中而

已又言燕雲見上之師宜退守內地以省轉輸之勞

募邊民為弓弩手以殺曬常勝軍初遼主募遼東人為兵使報怨於女

真號曰怨軍以郭藥師為帥後改為常勝軍藥師帥所部降宋之勢又言都城無高

山巨浸以為阻衛士人各異心緩急不可倚仗君臣

警戒正在無虞之時帝首肯之除通英說書綱以王

黼為太傅總治三省事鄭居中為太保蔡攸為少師

進封童貫為徐豫國公居中辭不拜以收復燕雲宰執皆進位以趙

良嗣為延康殿學士綱遼延禧奔夏都統蕭特烈等

居中自陳無功不拜



納張穀

以梁王雅里稱帝

雅里延禧第二子

綱金遣使如夏

夏遣書於

許割地

綱六月金張穀以平州來歸

明發招亡納叛

大納張穀而遂為金虜用兵之端豈非貪利忘害之

矣蓋察理不明而有

此弊豈不深可惜哉綱金驅遼宰相左企弓等同燕

京大家富民俱東徙燕民流離道路不勝

升其苦過

平州上見遂入城言於張穀曰左企弓不能守燕致吾

民如是公今臨巨鎮握強兵盡忠於遼

初穀為遼興軍節度副使

領平州事金破遼入燕京升

平州為南京命穀判留守事使我復歸鄉土人心亦

惟公是望穀遂召諸將領議皆曰聞天祚

見上兵勢

復振出沒漠南

見十七卷一

公若仗義勤王奉迎天祚以

圖興復先責左企弓等叛降之罪而誅之盡歸燕民

使復其業而以平州歸宋則宋無不接納平州遂為

藩鎮矣即後日金人加兵內用營

見上二六

平之軍外藉

宋人之援又何懼焉又訪於翰林學士李石亦以

為然穀乃遣張謙帥五百餘騎傳畱守令召左企弓

等數

上聲

以十罪皆給

意

殺之穀乃稱保大

天祚年號

三年

榜諭燕人復業恆產為常勝軍所占

去聲

者悉還之燕

民既得歸大悅李石更名安弼偕故三司使高黨至



王黼勸帝  
納張穀

禁元祐學  
術

燕京說王安中曰平州形勢之地張穀總練之才足以禦金人安燕境幸招致之安中令安弼黨與至汴以聞帝以手札付同知燕山府事詹度第令羈縻見八卷之而度促穀內附穀乃遣張鈞張敦固持書來請降王黼勸帝納之趙良嗣諫曰國家新與金盟如此必失其權後不可悔不聽綱鄭居中卒以蔡攸領樞密院事秋七月童貫致仕以內侍譚稹為兩河燕山路宣撫使綱禁元祐學術目中書言福建印造司馬光等文集詔令毀板凡舉人傳習元祐學術者

綱目卷之二十一 三

以違制論尋又詔蘇軾黃庭堅等獲罪宗廟義不戴

天片文隻語並令焚毀勿存違者以大不恭論

雲開張氏曰抑觀元祐學術通天地質鬼神闢  
奸邪扶正直為上為德為下為民萬世仰如山  
斗所謂無間然者也諸賢何負於徽宗前既禁  
其學術矣又禁以元祐學術政事授業者今又  
再禁其學術嗚呼徽宗之世所謂通天地而閉  
塞焉者也一有正直之士衆必鋤治簸揚使其  
不能容足於朝非竄逐則安置朝進實封暮承  
貶詔其視學術之正如元祐者毒如仇家則是  
通國皆非元祐學術者也故曰  
不有君子其何能國宋其殆矣

金太宗完顏晟

綱八月金阿骨打死弟吳乞買立更名晟改綱冬十

月詔建平州為泰寧軍以張穀為節度使綱金人聞



幸王黼第  
觀芝

穀叛遣闍母將三千騎來討。穀率兵拒之於營州。

見上闍母以兵少不交鋒而退。穀遂妄以大捷聞朝廷。

拜穀節度使。犒賞銀絹數萬。綱十一月幸王黼第觀

芝。綱金人襲平州。張穀奔燕山。平州人殺金使以拒

守。目闍母無功而退。金主復使幹腕入聲離離不督闍

母攻平州。會張穀聞朝廷犒賜將至喜而遠迎。幹離

不乘其無備襲之。與穀戰於城東。穀敗宵奔燕山。見上

二六又王安中納而匿之。平州都統張忠嗣及張敦

固出降。金遣使與敦固入諭城中。城中人殺其使



殺張穀  
金

者立敦固爲都統。閉門固守。**綱**詔殺張穀。函首以卑。  
**祕**金。回金人以納叛來責。朝廷初不欲發遣。金人索  
之益急。王安中取貌類穀者。斬其首與之。金曰非穀  
也。遂欲以兵攻燕。朝廷不得已。令安中縊意殺之。函  
其首併穀二子送於金。於是燕降。將及常勝軍。見上  
皆泣下。郭藥師曰。金人欲穀卽與。若求藥師亦將與  
之乎。安中懼。因力求罷。以蔡靖知燕山府事。自是降  
將卒皆解體。而金人遂用此興師矣。



